

Матфеин 24 бөлг.

1. Иисусиг Иерусалимин сүмэс һарч йовхлань, Терүнд Сурһульчнрнь Иисуст сүмин бээшнүгүд үзүлхэр өөрдцхэв.
2. Иисус теднд келв: «Эн юмсудиг үзж бээнт? Үнэр таднд келжэнэв: цуг эн хамхрх, чолун деер чолун үлдшго.»
3. Елеона уул деер Иисусиг суутл сурһульчнрнь Терүнүр өөрдэд сурв: «Таниг хэрү ирж йовхла, нарта орчлңгин болн цагин чилгчиннь темдг ямаран болхмб?
4. Иисус теднд иигж хэрү өгв: «Болһатн. Таднд кен чигн худл келэд, бий талан татад төөрүлхэр седх.
5. Юңгад гихлэ кесгнь Мини нерэр ирэд : «Би Христосв» – гиж келэд оln эмтиг меклх.
6. Бичэ ээтн, энд-тенд дән болжахинь таднд соңсгдх. Тиим юмн учрх зөвтэ. Зуг тернь чигн чилгч биш.
7. Юңгад гихлэ келн-эмтн нег-негиннь өмнэс буцлтх болн орн-нутгуд хоорндан буцлтх, харһнлһн, хальдврта гем тарлһн болн энд-тенд һазрин чичрлһн болх.
8. Цуг эн күүкд күүнэ цаһан төр болжах зовлңгин эклцлэ эдл.
9. Тер цагла тадниг бэрж авад, зоваһад алх. Нанас көлтэ таднд цуг келн-эмтн дурго болх.
10. Тиигхлэ кесгнь итклэсн цухрад, нег-негндән дурго болад, нег-негән бэрж өгх.
11. Оln худлч ээлдэчнр ирэд, кесг улсиг итклэсинь цухрулад төөрүлэд меклх.
12. Эмтн улм икэр зака эвдэд, теднэ килнцсинь икдэд, Бурхнд болн нег-негндән дурлжасн улсин дурнь баһрх.
13. Сүл күртл дала зовлң тессн күн – авргдх.

14. Цуг делкэн келн эмтнд герчлхин төлө Бурхна Тенгрин орн-нутгин Байрта Зэңг тархагдх. Тегэд сүл чилгчнь ирх.
15. Өэлдэч Даниилин келсэр – умшжасн эмтн меддтхэ – эрүн ормд цань уга жигшүртэ юм үзхлэрн,
16. тиигхлэ Иудейд бээснь уул тал гүүтхэ.
17. Герин ора деер бээснь, бууж гертэсэн юм бичэ автха.
18. Кеер бээснь хувцан авхар хэрү гер талан бичэ эргтхэ.
19. Тер өдрмүдт саата болн көкүл күүкд улс ик зовлңгта болх.
20. Бурхна Суббот өдрлэ эс гиж үвлэр тиим юмн бичэ болтха гиж зальвржатн.
21. Юңгад гихлэ тер цагт дегд һашута ик уйдлта юмн болх. Тиим юмн нарта орчлңгин эклцэс авн ода күртл үзгдсн уга билэ. Цааранднь чигн тиим юмн үзгдшго.
22. Кемр тер өдрмүдиг Бурхн эс ахрдулсн болхла, нег чигн күн авргдшго билэ. Зуг шүүж авсн улсин төлө Бурхн тер өдрмүд ахрдулх.
23. Тиигхлэ таднд: Христос эн бээнэ эс гиж тенд бээнэ - гиснднь бичэ итктн.
24. Юңгад гихлэ худлч «Христосмуд» болн худлч аэлдэчнр ирх цаг болх. Тедн Бурхнд иткдг, шүүж авсн улсиг меклхэр ик өвэрцс болн темгдүд үзүлх.
25. Би таднд эртэснь келжэнэв.
26. Тегэд тедн келхлэ: «Тер эн көдэд бээнэ» - гихлэнь бичэ һартн, Эн нуувч хорасд бээнэ -гихлэнь бичэ итктн .
27. Юңгад гихлэ һал цэкллһн зүн үзгэсн барун үзг тал герлтсн мет Күмни Көвүнэ ирлһн болх.
28. Күш кевтсн һазрт һәрд шовуд цуглрна.
29. Тер һашута уйдлта өдрмүдин хөөн нарн харңһурдх, сар герл өгдгән уурх,

теңгрин оддуд унх, теңгрин чидл нээлх.

30. Тиигхлэ теңгр деер Күмни Көвүнэ ончта темдг үзгдх. Цуг Делкэн келн-эмтн уульцхах. Тедн Күмни Көвүг алдр туурмжтаһар болн чидлтәһәр хэрү эргэд ирж йовхинь үзх.

31. Күмни Көвүн Эврәннь элчнрэн чаңһ бүрә татулад йовулх. Теднь Терүнә шүүж авсн улснь дөрвн үзгәс, дөрвн салькнас, теңгрин захас зах күртл цуглулх.

32. Үлгүрлэд келхлэ инжрин мод авхмн: терүнә бурас жөөлрэд бээхлэ, зун өөрдж ирснь тадн меднәт.

33. Терүнлэ әдл тадн цуг энүг үзэд медтн. Күмни Көвүнә ирлһн өөрхн, үүднә өөр бээхинь медәд автн.

34. Үнәр Би таднд келжәнәв: « Эн үйнр чиләд уга бээтл, цуг эн юмн ирх.

35. Теңгр һазр хойр уга болх, уурх, зуг Мини келсн үгмүд мөңкинд сольгдшго.

36. Күмни Көвүн ямаран часла, ямаран өдр ирхин тускар нег чигн күн медхш, Бурхна элчнр чигн медхш. Һанцхн Мини Эцкм меднә.

37. Зуг Ноойин өдрмүдлэ болсн юмн Күмни Көвүнә ирлһнлэ болх.

38. Усна аюлын өдрмүдин өмн әмтн хотан әдләд, ууһад, гер авад, хәрд һарад бээсмн. Тиигәд Ной кермдән ортл, һазр деер әмтн юм медлго, ухаллго бээсмн

39. Усна аюлд әмтн чивтлән, теднә уханд тиим юмн болх гиж сансн уга бээж. Күмни Көвүнә ирлһнлэ тиим бас болх.

40. Хойр күн тәрәнә һазрт бээхлэ, негнь - авгдх, наадкнь — үлдэгдх.

41. Хойр күүкд күн һуйр теермжәтл, негнь - авгдх, наадкннь — үлдэгдх.

42. Бийән саг-сергг бәртн. Эзн кезә хулхач ирхинь тер болн тадн медхшлмт.

43. Болв медж автн. Кемр герин эзн хулхач кезә ирхинь медсн болхла, сөннь дуусн унтлго, саг-сергг бээһәд, гериннь уулан малтулшго биләт.

44. Тер төлөд тадн белн болтн. Юңгад гихлэ Күмни Көвүн тадниг эс күлэжэсн цагла ирх.

45. Ямаран толһачиг тадн ухата болн итклтэ гиж санжанат? Терүг эзнэ ялчнртан цаглань хотынь өгтхэ гиж тэвсмн.

46. Эзнэ өгсн даалһврнь сээнэр күцэдг толһалч кишгтэ болх.

47. Үнэр таднд келжэнэв: тиим толһачиг эзн цуг эврэннь эдл-ахудан һардачар тэвх.

48. Кемр толһач ухан уга болад, эврэннь зүркндэн келхлэ: « Мини эзн кесгтэн иршго – гийһэд,

49. эркнч улсла, эрк ууһад, үүрмүдэн цокад бөөхлэ,

50. тер толһач эзн эс күлэжэсн өдрлэ болн часла ирх гиж сансн уга.

51. Терүг эзнэ догшар цаажлад хойр чирэтэ улс туссн һазрт хайх. Тер һазрт эмтн ик зовлңгла харһх. Тенд оркрад, ууляд, шүдэн хэврх.